

Raquints criminels dad Attilio Bivetti


Il nouv cudesch rumauntsch «Nuot Nes» vain preschanto

DA MARTINA FONTANA/ANR

■ La Chesa Editura Rumauntscha preschainta sieu nouv cudesch «Nuot Nes». Scrit al ho l'antieru veterinari e president cumünel da Segl, Attilio Bivetti. Scu ch'el disch «pizchan» sieus raquints ün po ed as basan eir parzielmaing sün evenimaints passantos e persunas ch'el cugnuscha. Suot il titel 'Nuot Nes', il quel es al listess mumaint il nom dal protagonist principel, vegnan preschantedas istorgias cuortas. Nuot Nes e sieu assistent Marco Mangiù sun cumissaris da pulizia in Engiadina'Ota ed illa Val Bergiaglia. Els sclerischan püs cas misterius chi trattan da piculezzas fin tar mordrantschs. Uschè scu cha'l cudesch es scrit, po il lectur accompagner ils duos cumissaris in lur lavur descritta dal scriptur in ün möd chi cumpiglia üna buna prisa d'umur.

Perche scrit quist cudesch?

«Eau scriv dapö ün pèr ans», declera Attilio Bivetti. Cha las reminiscenzas chi sajan cumparidas hegian gieu adüna ün minz vardaivel scu punct da partenza dal raquint reel. «Speratiers quellas lavuors ho que però adüna darcho texts cha d'he scrit our da mia fantasia», disch el. Cha zieva avair constato cha descriver qualche mort, mordrantsch u ün cadaver chi spüzza già, al fetscha gust da scriber, ho'l cuntinuo. «Quist möd da scriber ho fat sguzchas a mia fantasia e our da que resultan uossa las istorgias criminelas chi sun cumparidas i'l cudesch Not Nes», agiundscha'l. Ad el paraiva cha quistas istorgias sajan sel e paiver per la realted ch'è es in ün u l'oter-



Attilio Bivetti ho grand plaschair da pudair preschanter sieu nouv cudesch chi ho il nom «Nuot Nes».

raquint preschainta in fuorma dal lö inua cha quel capita u eir il minchadi chi regna illa regiun.

«Enorma supraischa cha'l cudesch es gieu edieu»

Vairamaing nun ho Attilio Bivetti scrit

sieus raquints per als publisher: «Zieva cha duos buns collegas scriptuors haun managio cha quellas lavuors nu sajan melas, d'he eau tramiss il manuscript da 'Not Nes' a la Chesa Editura Rumauntscha a Cuora», s'agordal. Cha que hegia'l però fat cun pocha sprauza da gnir a savair ün bun eco dals respunsabels da las ediziuns da cudeschs rumauntschs. «Cur cha Anita Capaul ho telefono am dir cha mieus texts 'criminels' gnian publichos d'eir eau dapü cu be stut», declera il scriptur cun ün grand surrir in vista. Cha scha'ls respunsabels da la Chesa Editura Rumauntscha hegian gieu gust da leger sieu cudesch, al detta que andit da suppuoner ch'eir otras persunas resaintan il listess, managia'l. «E que es il böt ch'eu vögl ragiundscher in scrivand», intuna'l. «Que'm fo ün enorm gust da savair cha mieu cudesch vain preschanto prosmamaing in quatter occasiuns e que am fo schont ün po sguzchas aint il vainter.»

Ün cudesch per tuots

«Nus da la Chesa Editura Rumauntscha avains grand plaschair da publisher quist cudesch», disch Anita Capaul, la manadra da gestiun da la CER. Cha Nuot Nes saja ün cudesch chi divertischa in möd frasch e cun üna lingua clera. «Perque es el adato eir scu lectüra pel s-chelin superiu da las scoulas», vegna rendieu attent. «Ils raquints intuorn Nuot Nes respandan realteds e fantasias da las vals grischunas e que in profuonda transfurmaziun; in lur originalited e lur umur as referischan els als grands models da la litteratura crimelna», vain il cudesch dad Attilio Bivetti descrit.

Il cudesch vain preschento in mardi,

ils 5 d'avuost, a las 20.00, illa Biblioteca Engiadinaisa a Segl. La moderaziun da quista preschantaiziun fo Annetta Ganzoni ed Attilio Bivetti prelegia our da sieu nouv cudesch. Ulteriuras prelecziuns haun lö als 30 settember illa Casa de Mont a Laax, als 25 october i'l Chesin Manella a Schlargna ed als 9 november als Dis da Litteratura a Domat.

Il veterinari pensiuno

(anr/mfo) Attilio Bivetti ho lavuro 30 ons sco veterinari in Engiadina'Ota ed in Val Bergiaglia. Il veterinari paschiuno es però eir sto divers ans president cumünel da la vschinauncha da Segl. Daspö ch'el es pensiuno viva el a Segl. Fex e Castasegna. Scu cha la Chesa Editura Rumauntscha scriva in sia comunicaziun als mezs da massa as bada be subit cha Bivetti es üna persuna chi inchamina il muond cun ögls aviert ed es attent per sieus contuorns. Cha que as bada legiand sieus texts, vegna dit. La vschinauncha, il bain paup, la stüva, la cuntredgia ed oter pü cugnuscha il scriptur our dad oura. Ch'ültra da que nu sajan però be ils lös dals raquints per uschè dir vivs in sieus raquints: «Attilio Bivetti es bun da describer e lascher viver in sieus texts la mentalited dals Engiadinais e dals Breggliots scu eir la tenuta da giasts chi vegnan in quellas regiuns a fer vacanzas», vegna dit.

Eir Renè Hohenegger candidescha

Il president cumünal da Zernez voul dvantar capo dal cumün fusiunà

DA MARTINA FONTANA/ANR

■ Davo avair fat ponderaziuns plü grondas ha Renè Hohenegger, president cumünal in uffizi dal cumün da Zernez, decis da candidar pel post sco president dal nouv cumün fusiunà. «Eu n'ha stuvü far ponderaziuns plü grondas a regard la candidatura sco president cumünal dal nouvfusiunà cumün da Zernez perquai ch'eu n'ha eir ün affar chi sto funcziunar eir in ün avegnir difficil,

argumentescha Renè Hohenegger perche ch'el s'ha laschà temp cun trar la decisiun. Cha uossa saja uschè, ch'el haja pudü sclerir tscherts detagls e cha perquai possal cun plaschair dar cunt-schaint ch'el candidescha sco nouv president.

Nouva sfida cun blers böts

La motivaziun da Renè Hohenegger da star eir in avegnir a la testa dal cumün da Zernez es sco ch'el disch impustüt quella,

da reorganisar las incumbenzas dal nouv cumün chi cumpiglia las fracziuns Lavin, Susch e Zernez. «Però eir il fat ch'eu n'ha pudü iniziar sco president cumünal da Zernez blers progets chi nu sun amo a fin am dà andit e schlantsch da tils manar scha pussibel a fin», declera'l. Il plü grond böt cha Hohenegger ha avant ögls es «da metter in pè uschè svelto sco pussibel il nouv cumün fusiunà». «È quai vules eu far uschè professionalmaing sco pussibel per cha Zernez resta eir inavant ün cu-

mün important e cunt-schaint», intuna'l. Sün dumonda ha comunicà il president cumünal da Lavin, Linard Martinelli, ch'el nu candidescha pel nouv post sco president dal cumün fusiunà Zernez. Chi chi dvantarà a la fin dals quintes il nouv president dal cumün fusiunà Zernez, decida il suveran da las trais fracziuns Lavin, Susch e Zernez als 31 avuost.

Chi es Renè Hohenegger?

Renè Hohenegger es nat l'on 1964 e creschü sü a Zernez. El abita a Brail ed es maridà. Sia carriera politica ha cumanzà l'on 1994. Quel on es el gnü elet sco president da Brail, üna fracziun da Zernez. In quel post s'ha el ingaschà durant ses ons. Davo es Hohenegger stat ses ons commember da la suprastanza cumünala da Zernez. Dal 2009 es el gnü elet sco capo cumünal da Zernez ed es amo adüna in uffizi. Sper seis ingaschamaint politic posseda Renè Hohenegger ün'imprisa da fabrica, la quala po quist on festagiari seis 20avel anniversari. Hohenegger es commember dal pps e s'ingascha eir sco supstant illa Società d'impressaris grischuna e sco delegà illa Società d'impressaris svizra. Ultra da quai es Hohenegger commember da la cumischiun federala dal Parc Naziunal Svizzer.



Renè Hohenegger, president cumünal da Zernez in uffizi, candidescha pel post sco president dal nouvfusiunà cumün da Zernez.

FOTO JOHN DUSCHLETTA, ENGADINER POST/POSTA LADINA

LA QUOTIDIANA

Editura: Samedia
(Südschweiz Presse und Print AG)
Editor: Hanspeter Lebrument
CEO: Andrea Mastiger

Schefredactor: Martin Cabalzar

Redacziun

Agentura da Novitads Rumantscha (ANR):
Flurin Andry (fa), Augustin Beeli (abc),
Gieri Antoni Caviezel (gac), Claudia Cadruvi (vi),
Romana Duschletta (rd), Martina Fontana (mfo),
Hans Huonder (hh), Susi Rothmund (sr),
Gion Nutegn Stgier (gns), Giusep Venzin (gv).

Collavoraturs redacziunals

Andreas Cadonau (ac), Giusep Capaul (gc),
Lucas Deplazes (ld).

Adressas redacziunals

La Quotidiana, Via comerciala 22, 7007 Cuira,
tel. 081 920 07 10, fax 081 920 07 15,
mail: redaktion-lq@suedostschweiz.ch

Agentura da Novitads Rumantscha (ANR)

Via da Masans 2, 7000 Cuira,
tel. 081 250 48 00, fax 081 250 48 03,
mail: anr@spn.ch
Surselva: tel. 081 936 47 00, fax 081 936 47 01,
mail: surselva@anr.ch
Engiadina: tel. 079 218 27 60, fax 081 856 11 59,
mail: engiadina@anr.ch
Surmeir: tel. 079 430 69 30, fax 081 684 32 82,
mail: surmeir@anr.ch
Sutselva: tel. 081 258 32 68
mail: sutselva@bluewin.ch
Tgöls postal, 7432 Zirän

Editura Samedia

Via da la caserna 1, 7007 Cuira;
tel. 081 255 50 50, fax 081 255 55 10
mail: verlag@samedia.ch

Servetsch d'abuments e da distribuziun

Samedia, via da la caserna 1, 7007 Cuira,
tel. 0844 226 226, fax 018 255 51 10,
mail abo@samedia.ch

La Quotidiana compara tschintg giadas ad emna

Ediziun derasada: (Südschweiz cumplet)
81 786 exemplars (Indicaziun d'editor)
Derasaziun: 164 000 lectures (MACH-Basic 2014-1)

Pretgs d'abuments sut:

www.suedostschweiz.ch/aboservice

Comunicaziun da participaziun considerabla

sin fundament da art. 322 CP:
Südschweiz Radio AG, Südschweiz TV AG,
Südschweiz Emotion AG, Südschweiz
Pressevertrieb AG, Südschweiz Partner AG.

Dretgs d'editor

Igl è scumandà a terzas persunas betg autorisadas da reutilisar en ina moda u maniera ils insertats stampads en quest titel u parts da quels, surtut cun endatar els en in servetsch d'online. Mintga cuntravenziun vegn persecutada giudizialmain da la societad da propaganda, suenter avair consultà la editura.

© Samedia